

AZAM

Nik Muzaffar Al Fatani bin Rosley

1200951

Universiti Sains Islam Malaysia

Ada azam aku genggam
ini hari semangat aku tanam.

Aku jaga khasiat dengan baja
aku semai wangi dengan cinta
dengan harapan mekar berbunga.

Aku pasakkan dalam-dalam
meski tangan telah pun hitam legam
tetap aku pastikan azam itu terbenam.

Sirna anasir dengan zikir
berjuang utuh walaupun sang fakir.

Dahulu azam aku disambar api
dijilat hangus umpama mimpi ngeri.

Tidak sanggup aku tempuhi lagi
cukuplah berlalu sekadar mimpi.

Setiap denai yang dilalui
pasti ada hikmah yang menanti.

Aku percaya aturan Tuhan
walaupun sakit tidak tertahan.

Namun adanya Dia sampaikan bantuan
cendayam rahmat seluas lautan
lebih luas andai sentiasa panjatkan kesyukuran.